

人物(帝后)

輿遠通志稿卷九十八 第三冊

綏遠通志稿卷九十八

人物(帝后)

封建國家。帝后是尊。自司馬遷著史記創帝王本紀之例。後世斷代諸史。遂皆踵其例。而列本紀於篇首。并以皇后事跡廁列傳之前。此例已成積重之勢。故二千餘年來。凡操史筆者。皆莫之敢異也。雖然。此特史官修正史者為然耳。若於今日輯方志而亦拘守此例。則太泥矣。是以本志於北朝諸帝后之生長發跡于綏境者。皆從正史紀傳中節取其梗概。附諸地方歷史人物之末。蓋帝后之流。既不可雜於官僚士女之林。亦不宜沒其桑梓生存之實。從簡甄錄。聊以備此方人物之一格而已。

↑後魏

北史魏本紀神元皇帝諱力微。元年歲在庚子。居長川積數

年諸部大人悉服。控弦之士二十餘萬。三十九年遷於定襄。之盛樂饗國五十八年。年一百四歲。道武即位尊為始祖。神元子昭帝祿官立。元年分國為三部。一居上谷北。濡源西。自統之一。居代郡之參合陂北。使兄子桓帝猗屯統之一。居定襄之盛樂故城。使桓帝弟穆帝猗盧統之。是歲穆帝始出并州。遷雜胡北徙雲中五原朔方。又西度河擊匈奴烏丸諸部。自杏城以北八十里。迄長城原。夾道立碣。與晉分界。十一年桓帝崩。十三年昭帝崩。穆帝遂總攝三部為一統。元年劉元海僭帝號。三年晉并州刺史劉琨遣子遵為質。乞師。帝使弟子平文皇帝助琨破白部大人。次攻鐵弗劉武。晉懷帝進帝大單于。封代公。帝以封邑去國縣遠。從琨求句注陁北地。琨乃徙馬邑陰館樓煩繁峙崞五縣人於陁南。更立城邑。盡

獻其地。東接代郡，西連西河朔方。帝乃徙十萬家以充之。六年，城盛樂，以為北都，修故平城，以為南都。九年，帝召子六脩，不至，怒討之，失利，遂崩。

昭成皇帝諱什翼犍，平文皇帝之次子也。建國元年十一月，即位於繁時北。時年十九。三年春，移都雲中之盛樂宮。四年，築盛樂城於故城南八里。十四年，帝以中州紛梗，將親率六軍乘石氏之亂，廓定中原。諸大人諫乃止。二十八年正月，劉衛辰謀反，度河東。帝討之，衛辰懼遁走。三十年十月，帝征衛辰，時河冰未成，帝乃以葦紵約澌，俄然冰合，乃散葦於上。冰草相結，若浮橋。衆軍利涉，衛辰與宗族西走，收其部落而還。三十九年，苻堅遣其大司馬苻洛帥衆二十萬及其將朱彤、張蚝、鄧羌等諸道來寇。王師不利。帝時不豫，乃率國人避於

陰山之北。堅軍稍退。乃還。十二月。至雲中。旬有二日。皇子寔君作亂。帝暴崩。年五十七。道武即位。尊曰高祖。太祖道武皇帝名珪。昭成皇帝之嫡孫。獻明皇帝之子也。母曰獻明賀皇后。以建國三十四年七月七日。生帝於參合陂。北。昭成大悅。群臣稱慶。大赦。告廟。帝弱而能言。目有光曜。廣額大耳。劉庫仁嘗謂其子曰。帝有高天下之志。必興復洪業。登國元年春正月戊申。帝即代王位。郊天。建元。大會於牛川。二月。幸定襄之盛樂。息衆課農。四月。改稱魏王。皇始元年七月。左司馬許謙上書勸進尊號。於是改元。始建天子旌旗。出警入蹕。天興元年七月。遷都平城。始營宮室。建宗廟。立社稷。天賜六年冬十月。成。辰。帝崩於天安殿。在位二十四年。時年三十九。永興二年九月。上諡宣武皇帝。葬於盛樂金陵廟。號

太祖泰常五年改諡曰道武。

太宗明元皇帝名嗣道武皇帝之長子也。母曰劉貴人。登國
七年生於雲中宮。天興六年封齊王拜相國。初帝母既賜死。
道武召帝告曰：漢武將立其子而殺其母，不令婦人與國政。
汝當繼統。故吾遠同漢武帝。素純孝，哀不自勝。道武怒，帝還
宮，哀不自止。道武知而又召帝，帝欲入左右諫，請待和解而
進。帝從之。天賜六年冬十月，即皇帝位，改元永興。追贈皇妣
為宣穆皇后。公卿大臣罷歸第者，悉復登用之。詔南平公長
孫嵩北新侯安同對理民訟。簡賢任能。二年春正月甲寅，詔
南平公長孫嵩等北征蠕蠕，追圍嵩等於牛川。壬申，帝北伐。
蠕蠕聞而遁走。車駕還幸參合陂。秋七月丁巳，立射臺於陂。
西仍講武。三年春二月己亥，詔北新侯安同等持節循行并

五月蠕蠕

任能

二年春正月甲寅詔

南平公長孫嵩等北征蠕蠕追圍嵩等於牛川壬申帝北伐

蠕蠕聞而遁走車駕還幸參合陂秋七月丁巳立射臺於陂

西仍講武三年春二月己亥詔北新侯安同等持節循行并

定二州及諸山居雜胡。丁零問其疾苦。察舉守宰不法者。神
瑞元年十二月。蠕蠕犯塞。景申車駕北伐。二年正月。景辰車
駕至自北伐。六月丁卯。幸赤城。親見長老。問民疾苦。復租一
年。南次石亭。幸上谷。問百年訪賢。復田租之半。泰昌八年
二月戊辰。築長城於長川之南。起自赤城。西至五原。延袤二
千餘里。備置戍衛。十一月己巳。帝崩於西宮。時年三十二。十
二月庚子。上諡曰明元皇帝。葬於雲中金陵廟。稱太宗。帝兼
資文武。禮愛儒生。好覽史傳。以劉向所撰新序。說苑於經典。
正義多有所闕。乃撰新集三十篇。採諸經史。該洽古義云。
世祖太武皇帝諱燾。明元皇帝之長子也。母曰杜貴嬪。天賜
五年。生於東宮。泰常七年四月。封太平王。五月。立為皇太子。
及明元帝疾。命帝總攝百揆。帝聰明大度。意豁如也。八年十

一月己巳明元帝崩壬申太子即皇帝位大赦天下帝性清
儉率素服御飲膳取給而已每以財者軍國之本無所輕費
至於賞賜皆死事勲績之家親戚愛寵未曾橫有所及臨敵
常與士卒同在矢石間命將出師指授節度從命者無不制
勝性又知人拔士於卒伍之中賞不遺賤刑不避親故能掃
統萬平秦隴翦遼海盪河源夷荷擔北蠕削迹廓定四表混
一戎華在位二十九年年四十六

高宗文成皇帝諱濬景穆皇帝之長子也母曰閭氏真君元
年六月生於東宮少聰達太武常置左右號世嫡皇孫及長
風格異常每參決大政可否正平二年十月戊申即皇帝位
大赦改元興安在位十四年年二十六史臣曰世祖經畧四
方內頗虛耗既而國釁時艱朝野楚楚帝與消息靜以鎮之

養威布德懷緝中外可謂有人君之度矣。

顯祖獻文皇帝諱弘文成皇帝之長子也母曰李貴人興光
元年七月生於陰山之北太安二年二月立為皇太子和平
六年五月甲辰即皇帝位大赦天下明年春正月己丑朔大
赦改元天安帝雅薄時務常有遺世之心皇興五年八月丙
午禪位太子上尊號為太上皇帝徙御崇光宮採椽不斷土
階而已帝聰叡風成兼資雄斷故能更清漠野大啟南服在
位六年年二十三

高祖孝文皇帝諱宏獻文皇帝之太子也母曰李夫人皇興
元年八月戊申生於平城紫宮三年立為皇太子五年秋八
月丙午即皇帝位於太華前殿大赦改元延興太和十七年
自平城徙都河洛帝幼有至性孝敬寬慈每垂矜捨進食者

曾以熟羹傷帝手。又曾於食中得蟲穢之物，並笑而怒之。宦者先有譖帝於太后，太后大怒，杖帝數十，帝默而不自申明。太后崩後，亦不以介意，聽覽政事，莫不從善如流，哀矜百姓。恒思所以濟益，凡所脩造，不得已而為之，不為不急之事，損民力也。雅好讀書，手不釋卷，才藻富贍，好為文章、詩賦、銘、頌、任興而作，有大文筆，馬上口授，及其成也，不改一字。自太和十年己後，詔冊皆帝之文也。愛奇好士，情如饑渴，待納朝賢，隨才輕重，常寄以布素之意，又少而善射，有膂力，年十餘歲，能以指彈碎羊膊骨，及射禽獸，莫不隨所志斃之。至年十五，便不復殺生，射獵之事悉止。性儉素，常服澣濯之衣，鞍勒鐵木而已。太和二十三年夏四月丙午朔，帝崩於穀塘原之行宮。在位二十九年，年三十三。

北史列傳。道武宣穆皇后。劉氏。劉眷女也。登國初。納為夫人。生明元。后專理內事。寵待有加。以鑄金人不成。故不登后位。魏故事。後宮產子。將為儲貳。其母皆賜死。道武末。年后以舊法。薨。明元即位。追尊諡位。配饗太廟。自此後。宮人為帝母。皆正配饗焉。

太武皇后赫連氏。屈丐女也。太武平統。萬納后及二妹俱為貴人。後立為皇后。文成初崩。祔葬金陵。

太武敬哀皇后賀氏。代人也。初為夫人。生景穆。神廬元年薨。追贈貴嬪。葬雲中金陵。後追號尊諡。配饗太廟。

景穆恭皇后郁久閭氏。河東王毗妹也。少以才選入東宮。有寵。生文成皇帝。而薨。文成即位。追尊號諡。葬雲中金陵。配饗

太廟。

文帝悼皇后郁久閭氏。蠕蠕主阿那瓌之長女也。容貌端嚴。夙有成智。大統初。蠕蠕屢犯北邊。文帝乃與約。通好結婚。扶風王孚受使奉迎。蠕蠕俗以東為貴。后之來。營幕戶席一皆東向。車七百乘。馬萬匹。駝千頭。到黑鹽池。魏朝鹵簿文物。始至。孚奏請正南面。后曰。我未見魏主。故蠕蠕女也。魏仗向南。我自東面。孚無以辭。四年正月。至京師。立為皇后。時年十四。六年。后懷孕。將產。居於瑤華殿。產訖而崩。年十六。葬於少陵原。十七年。合葬永陵。

案後魏拓跋氏。自其始祖。力微由長川徙盛樂。子孫蕃衍。皆基於此。長川在興和縣界。盛樂即和林縣之土城村。厥後。猗盧雖修平城為南都。然猶以盛樂為根本重地。諸帝冢墓。皆在金陵。即其證也。惟自孝文帝太和十七年。決計

遷都洛陽。又於十九年下詔。遷洛人。死葬河南。不得還北。
於是代人南遷者。悉為河南洛陽人。孝文崩。亦不歸葬於
金陵。則其子孫皆可謂真河南人矣。故本志所錄。後魏諸
帝。以孝文為斷。蓋不欲多紀。以踰綏人之限耳。

↑北齊

北齊書帝紀。齊高祖神武皇帝。姓高。名歡。字賀六渾。渤海蓀
人也。祖謚仕魏。至侍御史。坐法徙居懷朔鎮。謚生皇。考樹性
通率。不事家業。住居白道南。及神武生。皇妣韓氏。殂。養於同
產姊。婿尉景家。神武既累世北邊。故習其俗。遂同鮮卑。長而
深沈。有大度。輕財重士。為豪俠。所宗。家貧。及聘武明皇后。始
有馬。得給鎮為隊主。鎮將遼西段長。常奇神武貌。謂曰。君有
康濟才。終不徒然。便以子孫為託。神武自隊主。轉為函使。六

年自洛陽還。傾產以結客。親故怪問之。答曰。吾至洛陽宿衛羽林。相率焚領軍張彝宅。朝廷懼其亂而不問。為政若此。事可知也。財物豈可常守耶。自是乃有澄清天下之志。與雲中司馬子如、秀容人劉貴、中山人賈顯智為奔走之友。懷朔戶曹史孫騰、外兵史侯景亦相友結。孝昌元年柔玄元鎮人杜洛周反於上谷。神武乃與同志從之。醜其行事。私與尉景殺榮。蔡儁圖之不果而逃。遂奔葛榮。又亡歸。尔朱榮於秀容。榮坐神武於床下。屏左右而訪時事。神武曰。方今天子愚弱。太后淫亂。孽寵擅命。朝政不行。以明公雄武。乘時奮發。討鄭儼。徐紇而清帝側。霸業可舉。鞭而成。榮大悅。自是每參軍謀。榮嘗問左右曰。一日無我。誰可主軍。皆稱尔朱兆曰。此正可統三千騎以還。堪代我主眾者。唯賀六渾耳。因誠兆曰。爾非其匹。

終當為其子穿鼻。魏普泰元年二月，神武軍次信都。高乾封
隆之開門以待，遂據冀州。是月，尒朱度律廢元暉而立節閔。
帝欲羈縻神武，封神武為渤海王。神武自向山東，養士繕甲，
禁侵掠，百姓歸心。六月庚子，建義於信都。尒朱氏
及李元忠與高乾平殷州，斬尒朱羽生，首來謁神武。撫膺曰：
今日反決矣。是時兵威既振，乃抗表罪狀尒朱氏。永熙元年
正月壬午，拔鄴城據之。閏三月，尒朱天光自長安北，自并州
度律自洛陽，仲遠自東郡，同會鄴。衆號二十萬，夾洹水而軍。
時神武馬不滿二千，步兵不至三萬，衆寡不得^敵。乃於韓陵為
圓陣，連牛驢以塞歸道。於是將士皆有死志，四面赴擊，大敗
之。四月，神武至洛陽，廢節閔及中興主而立孝武。孝武授神
武大丞相、天柱大將軍、太師、世襲定州刺史。永熙元年七月

壬寅神武率師北伐。尒朱兆二年正月破之於赤洪嶺。兆自
縊。後魏帝與神武有隙。將伐神武。三年七月。魏帝親率大衆
屯河橋。神武至河北十餘里。再遣口申誠款。帝不報。神武乃
引軍渡河。即日魏帝遜於長安。九月庚寅。神武還於洛陽。議
立清河王世子善見。議定乃立之。是為孝靜帝。改元天平。魏
於是始分為二。神武以孝武既西。議遷鄴。詔下三日。車駕便
發。神武留洛陽。部分事畢。還晉陽。自是軍國政務皆歸相府。
二年正月。西魏渭州刺史可朱渾道元擁衆內屬。壬戌。神武
襲擊劉蠡升。大破之。三年正月甲子。神武率庫狄干等萬騎
襲西魏夏州。夜入其城。禽其刺史費也頭等。因而用之。四年
十一月壬辰。神武西討。自蒲津濟衆二十萬。周文軍於沙苑。
神武戰不利。元象元年七月。神武總衆繼進。八月辛卯。戰於

河陰大破西魏軍。興和四年九月，神武西征。十月己亥，圍西魏儀同三司王思政於玉璧城。西師不敢出。十二月，以大雪，士卒多死，乃班師。武定元年二月壬申，北豫州刺史高慎據虎牢西叛。三月壬辰，周文率衆援之，圍河橋南城。戊申，神武大敗之於芒山。四年九月，神武圍玉璧。以挑西師，不敢應。西魏晉州刺史韋孝寬守玉璧，頓軍五旬不拔。死者七萬人。神武有疾，十一月興疾，班師。五年正月景午，崩於晉陽。時年五十二。天保初，追崇為獻武帝。天統元年，改諡神武皇帝，廟號高祖。

世宗文襄皇帝諱澄，字子惠，神武長子也。母曰婁太后。魏中興元年，立為渤海王世子。就杜詢講學，敏悟過人。二年，加侍中、開府儀同三司。尚孝靜帝妹馮翊長公主。時年十二，神情

儁爽便若成人。神武試問以時事得失，辨析無不中理。自是軍國籌策，皆預之。武定五年正月，景午神武崩，祕不發喪。辛亥，司徒侯景據河南，反。潁州刺史司馬世雲以城應之，遣司空韓軌率衆討之。六月己巳，韓軌等自潁州班師。丁丑，文襄還晉陽，乃發喪。七月戊戌，魏帝詔以文襄為使持節、大丞相、都督中外諸軍、錄尚書事、大行臺、渤海王。議者咸云：侯景猶有北望之心，王以為信然，謂可誘而致，乃遺景書，畧曰：先王與司徒契闊夷險，孤子相依，偏所眷屬，義貫終始，常以故舊之義，欲將子孫相託。况聞負杖行歌，便以狼顧反噬，不蹈忠臣之路，便陷叛人之地，力不足以自彊，勢不足以自保。西取救於宇文，南請援於蕭氏，入秦則秦人不容，歸吳則吳人不信。夫明者去危就安，智者轉禍為福。當開從善之途，使有改

迷之路。若能卷甲來朝，垂橐還闕者，即當授豫州。必使終君
身世進，則保其祿位；退則不喪功名。云云。景報書畧曰：僕鄉
一布衣，本乖藝用，出身為國，遂得富貴。一旦舉旗旆，援鼓枹，
北面相抗者，何哉？寔以畏懼危亡，恐招禍患故耳。今魏德雖
衰，天命未改，拜恩私第，何足闕言。况今梁道邕熙，招攜以禮，
被我虎文縻之好爵，方欲苑五岳而池四海，掃氛穢以拯黎
元。此而為弱，誰足稱雄？為君計者，莫若割地兩和，三分鼎峙。
使僕得輸力南朝，北敦姻好，僕立當世之功。君卒父禰之業，
裂帛還書，其何能述。云云。六月，王廵北邊城，戍賑賜有差。七
月，還晉陽。辛卯，遇盜而殂。時年二十九，葬於峻成陵。齊受禪，
追諡為文襄皇帝，廟號世宗。

顯祖文宣皇帝諱洋，字子進，高祖第二子。世宗之母弟。初，高

祖之歸。尔朱榮時經危亂。家徒壁立。后與親姻共憂寒餒。帝
時尚未能言。欵然應曰。得活太后及左右。大驚。及長。高祖嘗
試觀諸子意識。各使治亂。絲帝獨抽刀斬之。曰。亂者須斬。高
祖是之。歷授驃騎大將軍。儀同三司。太原郡開國公。武定七
年八月。世宗遇害。事出倉卒。内外震駭。帝神色不變。指揮部
分。自鬻斬群賊。而漆其頭。徐宣言曰。奴反。大將軍被傷。無大
苦也。乃赴晉陽。親總庶政。八年春正月。戊辰。魏詔進帝位。使
持節。丞相。都督。中外諸軍事。錄尚書事。大行臺齊郡王。三月
辛酉。又進封齊王。夏五月辛亥。帝如鄴。甲寅。進相國。總百揆。
加九錫。殊禮。魏帝以天人之望。有歸景辰。下詔以帝位授於
王。尚書令高隆之。率百僚勸進。戊午。乃即皇帝位於南郊。大
赦天下。改武定八年為天保元年。辛未。遣大使於四方觀察。

風俗問民疾苦嚴勒長吏厲以廉平二年二月蠕蠕國遣使
朝貢三年二月辛丑契丹遣使朝貢十一月辛巳梁主蕭繹
即帝位於江陵是為元帝遣使朝貢四年春正月己丑改鑄
新錢文曰常平五銖九月契丹犯塞帝北討契丹十月丁酉
帝至平州遂從西道趣長塹詔司徒潘相樂安德王韓軌率
精騎東趣斷契丹走路甲辰帝親踰山嶺為士卒先指揮奮
擊大破之五年春正月帝討山胡從離石道遣斛律金從顯
州道常山王演從晉州道犄角夾攻大破之冬十月西魏伐
梁元帝於江陵詔清河王岳河東王潘相樂平原王段韶等
率衆救之未至而江陵陷六年六月梁主蕭明遣其子章奉
表朝貢秋七月己卯帝頓白道留輜重親率輕騎五千追蠕
蠕及於懷朔鎮帝躬當矢石頻大破之壬辰帝還晉陽十年

二月丙戌帝於甘露寺禪居深觀惟軍國大政奏聞冬十月
甲午帝暴崩於晉陽宮德陽堂時年三十一乾明元年二月
丙申葬於武寧陵諡曰文宣皇帝廟號顯祖
北齊書列傳神武明皇后婁氏諱昭君贈司徒內干之女也
少明悟彊族多聘之並不肯行及見神武於城上執役驚曰
此真吾夫也乃使婢通意又數致私財使以聘已父母不得
已而許焉神武既有澄清之志傾產以結英豪密謀秘策后
恒參預乃拜渤海王妃聞闡之事悉決焉沙苑敗後侯景屢
言請精騎二萬必能取之神武悅以告于后后曰若如其言
豈有還理得獮失景亦有何利乃止神武逼於茹茹欲娶其
女而未決后曰國家大計願不疑也及茹茹公主至后避正
室處之神武愧而拜謝焉弟昭以功名自達其餘親屬未嘗

為請爵位。每言有材當用，義不以私亂公。文襄嗣位，進為太妃。文宣受魏禪，尊為皇太后。濟南即位，尊為太皇太后。孝昭即位，復為皇太后。孝昭崩，太后又下詔立武成帝。大寧二年春，太后寢疾，四月辛丑崩於北宮，時年六十三。

案齊神武高歡微時，服役於懷朔鎮。娶婁昭君，則婁氏亦綏境人也。歡十五子，惟長次二子澄與洋為歡附。尔朱榮以前所生，故亦收入本志。自餘生於晉陽諸子，雖竊帝號，不入此篇，亦猶前拓跋氏之例耳。

↑北周

周書帝紀：太祖文皇帝，姓宇文氏，諱泰，字黑獺，代武川人也。其先居朔野，總十二部落，世為大人。至宇文陵，歸魏，賜爵安定侯。天興初，徙居武川，陵生系，系生韜，韜生肱，追尊曰德皇。

帝太祖德皇帝之少子也。少有大度，輕財好施，以交結賢士。
大夫介朱榮定河北。太祖遷晉陽，先是北海王顥奔梁，梁人
立為魏主，令率兵入洛。魏孝莊帝出居河內以避之，榮遣賀
拔岳討顥，仍迎孝莊帝。太祖與岳有舊，乃以別將從岳及孝
莊帝反正，以功封寧都子。從岳入關，定隴右，遷征西將軍，行
原州事。撫以恩信，民皆悅服。魏永熙三年二月，岳為侯莫陳
悅所害。魏帝詔太祖曰：賀拔岳既殞，士衆未有所歸，卿可為
大都督即相統領。三月，太祖進軍至原州，衆軍悉集。諭以討悅之
意，四月，太祖率騎趣略陽，以臨悅軍，奮擊大破之。悅遁走，追
及斬之。七月丁未，帝從洛陽，率輕騎入關。太祖備儀衛奉迎，
都長安。十二月，魏孝武帝崩，太祖立魏南陽王寶炬，是為文
皇帝。魏大統元年，進太祖督中外諸軍事，錄尚書事，大行臺。

封安定郡公十七年三月魏文帝崩太子嗣位太祖以冢宰總百揆恭帝三年進位太師大冢宰十月薨年五十二諡曰文公孝閔帝受禪追尊為文王廟曰太祖武成元年追尊為文皇帝

世宗明皇帝諱毓小名統萬突太祖長子也母曰姚夫人永熙三年太祖臨夏州生帝於統萬城因以名焉大統十四年封寧都郡公十六年行華州事尋拜開府儀同三司宜州諸軍事宜州刺史魏恭帝三年授大將軍鎮隴右孝閔帝踐阼進位柱國轉岐州諸軍事岐州刺史治有美政黎民懷之及孝閔帝廢晉公護遣使迎帝於岐州九月癸亥至京師止於舊邸甲子羣臣上表勸進備法駕奉迎是日即天王位乙丑朝羣臣於延壽殿二年三月庚申詔曰三十六國九十九姓

自魏氏南徙。皆稱河南之民。今周室既都關中。宜改稱京兆人。武成元年春正月己酉己酉太師晉公護上表歸政。帝始親覽萬機。軍旅之事。護猶總焉。初改都督諸州軍事為總管。秋八月己亥。改天王稱皇帝。追尊文王為帝。大赦。改元二年夏四月。帝因食遇毒。庚子。大漸崩。於延壽殿。時年二十七。諡曰明皇帝。廟稱世宗。帝幼而好學。博覽羣書。善屬文。詞彩溫麗。及即位。集公卿以下有文學者八十餘人於麟趾殿。刊校經史。又據採衆書。自羲農以來。訖於魏末。敘為世譜。凡五百卷。所著文章十卷。

周書列傳文宣叱奴皇后代人也。太祖為丞相。納后為姬。生高祖。天和元年六月。尊為皇太后。建德二年三月癸酉。崩。四月丁巳。葬固陵。

武帝阿史那皇后突厥木杆可汗俟斤之女突厥滅茹茹之後盡有塞表之地控弦數十萬志陵中夏太祖方與齊人爭衡結以為援俟斤初欲以女配帝既而悔之高祖即位前後累遣使要結乃許歸后於我保定五年二月詔陳國公純許國公宇文貴神武公竇毅南陽公楊荐等奉備皇后文物及行殿并六宮以下百二十人至俟斤牙帳所迎后俟斤又許齊人以婚將有異志純等在彼累載不得反命雖諭之以信義俟斤不從會大雷風起飄壞其穹廬等旬日不止俟斤大懼以為天譴乃備禮送后及純等天和三年三月后至高祖行親迎之禮后有姿貌善容止高祖深敬焉宣帝即位尊為皇太后宣帝崩靜帝尊為太皇太后隋開皇二年殂年三十二隋文帝詔有司備禮冊祔葬於孝陵

↑後唐

舊五代史唐武皇紀太祖武皇帝諱克用本姓朱耶氏其先隴右金城人也曾祖盡忠貞元中為沙院府都督為吐蕃所陷祖執宜收合餘衆至于靈州德宗命為陰山府都督烈考國昌本名赤心唐朔州刺史咸通中討龐勛有功入為金吾上將軍賜姓李氏名國昌出為振武節度使中和三年薨莊宗即位追諡為文皇廟號獻祖武皇即獻祖之第三子也獻祖之討龐勛也武皇年十五從征摧鋒陷陣出諸將之右軍中目為飛虎子乾符五年天子以武皇為大同軍節度使檢校工部尚書廣明元年六月李涿攻蔚州獻祖戰不利乃率其族奔於達靼部十二月黃巢犯長安僖宗幸蜀陳景思與李友金發沙院諸部南赴京師友金即武皇之族父也友金

謂景思曰興大衆成大事當威名素著則可以伏人今軍雖
數萬苟無善帥進亦無功吾兄李司徒父子去歲獲罪於國
家今寄北部雄武之略為衆所推若驟騎急奏召還代北之
人一麾響應則妖賊不足平也景思然之促奏行在天子乃
以武皇為鴈門節度使中和三年四月武皇進收京師七月
天子授武皇金紫光祿大夫檢校左僕射河東節度使時年
二十有八文德元年三月僖宗崩昭宗即位以武皇為隴西
郡王乾寧二年十二月乙未天子賜武皇為忠貞平難功臣
進封晉王天祐二年春契丹安巴堅始感武皇召之安巴堅
領其部族凡三十萬人與武皇會于雲州之東握手甚歡因
結為兄弟旬日而去留馬千匹牛羊萬計天祐五年正月武
皇崩於晉陽年五十三莊宗即位追諡武皇帝廟號太祖史

臣曰武皇肇跡陰山。赴難唐室。逐豺狼于魏闕。殄氛祲于秦川。賜姓受封。奄有汾晉。可謂有功矣。

